



Broj: 11-19-11-2-2540/24

Datum: 10.09. 2024.godine

Na osnovu člana 43. i 45. stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14, 59/22 i 50/24), i prijedloga Komisije za provođenje otvorenih postupaka nabavki za 2024. godinu, v.d. direktora Federalne uprave policije, d o n o s i:

ODLUKU

o izboru najpovoljnijeg ponuđača u postupku Javne nabavke kancelarijskog potrošnog materijala

1. Prihvata se prijedlog Komisije za provođenje otvorenih postupaka nabavki u postupku Javne nabavke kancelarijskog potrošnog materijala, te se Ugovor dodjeljuje ponuđač ELKOM d.o.o. Vitez, prema Ponudi broj: 77-1/24 od 26.08.2024.godine, nakon provedene e-Aukcije po ukupnoj cijeni u iznosu od 12.455,96 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 11-19-11-2-2540 od 13.08.2024.godine.
4. Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
5. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela otvoreni postupak Javne nabavke kancelarijskog potrošnog materijala, 1412-1-1-263-3-117/24, koji je proveden po Obavještenju o nabavci broj: 1412-1-1-263-3-117/24, objavljenom u Službenom glasniku BiH broj: 57/24 od 23.08.2024.godine.

Procijenjena vrijednost nabavke iznosi 12.492,44 KM bez PDV-a.

U postupku pregleda i ocjene ponuda za Javnu nabavku kancelarijskog potrošnog materijala, Komisija je utvrdila da su za navedenu nabavku u propisanom roku pristigle 3 (tri) ponude i to: Ponuda ponuđača ELKOM d.o.o. Vitez broj: 77-1/24 od 26.08.2024.godine sa ponuđenom ukupnom cijenom u iznosu od 12.455,96 KM bez PDV-a, Ponuda ponuđača INTER-COM d.o.o.

Zenica broj: 0053-09/24 od 03.09.2024.godine sa ponuđenom ukupnom cijenom u iznosu od 12.473,00 KM bez PDV-a i Ponuda ponuđača CROBOX d.o.o. Sarajevo broj: 01-0828-01/24 od 28.08.2024.godine sa ponuđenom ukupnom cijenom u iznosu od 12.484,50 KM bez PDV-a, kao i da su ponude ponuđača INTER-COM d.o.o. Zenica i ELKOM d.o.o. Vitez formalno-pravno ispravne i ispunjavaju uslove tražene tenderskom dokumentacijom, te kao takve za ugovorni organ prihvatljive.

U postupku pregleda i ocjene ponuda za Javnu nabavku kancelarijskog potrošnog materijala, Komisija je utvrdila da ponuđač CROBOX d.o.o. Sarajevo u svojoj Ponudi broj: 01-0828-01/24 od 28.08.2024.godine, nije dostavio dokaze tražene tačkom 14. Tenderske dokumentacije (Bilans stanja i Bilans uspjeha) iz kojeg razloga je ponuda navedenog ponuđača ocijenjena kao nepravilna i kao takva za ugovorni organ neprihvatljiva, te je ponuđač CROBOX d.o.o. Sarajevo isključen iz dalje kvalifikacije za navedenu nabavku.

Obzirom da je za navedenu nabavku predviđeno provođenje e-Aukcije, Komisija se u odnosu na prihvatljive ponude pismeno obratila Sektoru za finansije i javne nabavke radi provođenja iste, te je zaprimljen Izvještaj o toku i završetku e-Aukcije broj:1412-1-1-263/24 od 09.09.2024.godine, iz kojeg proizilazi da je prema konačnoj rang listi ponuđača koji su učestvovali u e-Aukciji, ponuđač ELKOM d.o.o. Vitez za navedenu nabavku ponudio najnižu ukupnu cijenu u iznosu od 12.455,96 KM bez PDV-a.

Rukovodeći se kriterijem najniža ukupna cijena tehnički zadovoljavajuće ponude, Komisija je u skladu sa članom 70., Zakona o javnim nabavkama BiH za Javnu nabavku kancelarijskog potrošnog materijala, predložila da se donese Odluka o izboru najpovoljnijeg ponuđača i ugovor dodijeli ponuđaču ELKOM d.o.o. Vitez, prema Ponudi broj: 77-1/24 od 26.08.2024.godine, nakon provedene e-Aukcije po ukupnoj cijeni u iznosu od 12.455,96 KM bez PDV-a, što je konstatovala u Zapisniku o pregledu i ocjeni ponuda od 05.09. i 10.09.2024.godine.

Razmatrajući prijedlog Komisije, v.d direktora Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

Dostaviti:

- Sektor za finansije i javne nabavke
- ponuđačima
- u spis

V.D. DIREKTOR
(Načelnik SKP-e)
GLAVNI INSPEKTOR
Vahidin Munjić

